

Na osnovu čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj: 75/17 ), člana 12. stav (1) tačka d) Statuta Agencije za bankarstvo Federacije Bosne i Hercegovine („Službene novine Federacije BiH“, broj: 3/18) i člana 27. stav (9) tačka a) Zakona o bankama („Službene novine Federacije BiH“, broj: 27/17), Upravni odbor Agencije za bankarstvo Federacije Bosne i Hercegovine na sjednici održanoj dana 08.11.2018. godine donosi

**ODLUKU**  
**O USLOVIMA ZA UKLJUČENJE FORMIRANIH REZERVI ZA**  
**KREDITNE GUBITKE U REDOVAN OSNOVNI KAPITAL BANKE**

**Član 1.**

Ovom odlukom se propisuju uslovi koje banka treba da ispuni da bi rezerve za kreditne gubitke bile priznate kao stavka redovnog osnovnog kapitala u skladu sa Odlukom o izračunavanju kapitala banke („Službene novine Federacije BiH“, broj: 81/17), a koje je formirala u skladu sa Odlukom o minimalnim standardima za upravljanje kreditnim rizikom i klasifikaciju aktive banaka („Službene novine Federacije BiH“, broj: 85/11 – prečišćeni tekst, 33/12 i 15/13).

**Član 2.**

Banka je dužna uključiti formirane rezerve za kreditne gubitke iz člana 1. ove odluke u redovan osnovni kapital banke, nakon što prethodno ispuni sljedeće uslove:

- a) dostavi Agenciji za bankarstvo Federacije Bosni i Hercegovine odluku skupštine banke o uključanju formiranih rezervi za kreditne gubitke u redovan osnovni kapital, odnosno rasporedu formiranih rezervi u odgovarajuću stavku redovnog osnovnog kapitala u skladu sa članom 6. stav (1) Odluke o izračunavanju kapitala banke;
- b) iznos formiranih rezervi za kreditne gubitke prethodno umanji za sve predvidive troškove u skladu sa primjenjivim računovodstvenim okvirom.

**Član 3.**

Ova odluka stupa na snagu osmog dana od dana objavljivanja u „Službenim novinama Federacije BiH“.

**Broj: U.O.-27-02/18**  
**Sarajevo, 08.11.2018. godine**

**PREDSJEDNICA**  
**UPRAVNOG ODBORA**  
**mr. sc. Ljerka Marić, dipl.ecc. s.r.**